

## Жума кунингиз муборак бўлсин!



11:10 / 15.04.2022 4356

Жобир розияллоҳу анҳудан ривоят қилинади:

«Набий соллаллоҳу алайҳи васаллам:

«Жумъа куни ўн икки соатдир. Ундан бир соатда қайси мусулмон Аллоҳдан бирор нарсани сўраган ҳолда топилса, Аллоҳ азза ва жалла унга ўша нарсани берур. Бас, уни Асрдан кейинги охириги соатда изланглар», дедилар».

Абу Довуд, Насай ва Ҳоким ривоят қилганлар. Ҳоким саҳиҳ, деган.

Ушбу ҳадисдан мазкур дуо тўсиқсиз қабул бўладиган муборак соат кундуз кунининг олтмиш дақиқадан иборат табиий ўн икки соатларидан бир соат эканлиги тушунилмоқда.

Шу билан бирга, ўша соат Асрдан кейинги, қуёш ботишидан олдинги олтмиш дақиқа эканлигига ишора қилинмоқда.

Демак, Жумъа куни айна ўша пайтда эътиборли бўлиб, дуо қилишга ҳаракат қилмоғимиз лозим.